

廣弘明集

卷二十九

四百七十八
聚九

51389



元祿九年丙子二月日重脩

皇圖鞏固 帝階級昌

佛日增輝 懋輪常轉

山城州天安寺法金剛院置

Handwritten characters in the center, including '佛' (Buddha) and '日' (Sun/Day), partially obscured by a watermark.

廣弘明集卷第二十九

聚

大唐西明寺釋

道宣撰

統歸篇序

廣弘明者言其弘護法網開明於有識也自
上九篇隨時布現籌度理路其緣頗悉然於
志之所之未備詳覩如不陳列頌聲何寄故

次編之般鑒遐迩且法王御寓歌頌厥初梵

王天主聲聞菩薩咸資偈讚用暢幽誠無經

不有彰于視聽東夏王臣斯途不惑擬倫帝

德國美無不稱焉所以寫逸性情統歸摠亂

在于斯矣然晉宋已來諸集數百餘家信重

佛門俱陳聲略至於摠捨百無一存且列數

條用塵博觀

梁代弘明集統歸篇錄

釋僧祐弘明論

釋智靜檄魔文

釋寶林破魔露布

唐廣弘明集統歸篇第十上

梁高祖淨業賦

梁高祖孝思賦

梁宣帝遊七山寺賦

梁王錫宿山寺賦

魏高允鹿苑賦

魏李顥大乘賦

梁仙城釋慧命詳玄賦

梁蕭子雲玄圃苑講賦

釋具觀夢賦

梁江淹傷弱子賦

無為論

并魔谷

伐魔詔并書檄文

奏平心露布

唐蒲州普救寺沙州行友

淨業賦

并序

梁武帝

少愛山水有懷丘壑身羈俗羅不獲遂志舛
獨往之行乖任縱之心因尔登庸以從王事
屬時多故世路屯蹇有事戎旅略無寧歲上
政昏虐下豎姦亂君子道消小人道長御刀
應勅梅虫兒茹法珍俞靈韻豐勇之如是等

多輩誌公所謂亂戴頭者也誌公者是沙門
寶誌形服不定示見無方于時群小疑其神
異乃羈之華林外閤公亦怒而言曰亂戴頭
亂戴頭各執權軸人出號令威福自由生殺
在口忠良被屠馘之害功臣受無辜之誅服
色齊同分頭各驅皆稱帝乎人云尊極用其
詭詐疑亂衆心出入盤遊無忘昏曉屏除京
邑不脫日夜屬纊者絕氣道傍子不遑哭臨
月者行產路側母不及抱百姓懍懍如崩厥
角長沙宣武王有大功於國禮報無報酷害
奄及至於弟姪亦羅其禍遂復遣桓神與杜
伯符等六七輕使以至雍州就諸軍師欲見

謀害衆心不與故事無成後遣劉山陽灼然
見取壯士猛虎器甲精銳君親無校便欲束
身待戮此之橫暴出自群小畏壓溺三不弔
況復姦豎乎若默然就死爲天下笑俄而山
陽至荊州爲蕭穎曹所執即遣馬驛傳道至
雍州乃赫然大号建牙豎旗四方同心如響應
聲以齊永元二年正月發自襄陽義勇如雲
舳艫翳漢竟陵太守曹宗馬軍主殷昌等各
領騎步夾岸迎候波浪逆流亦四十里至朕
所乘舫乃止有雙白魚跳入舫前義等孟津
事符冥應雲動天行雷震風馳郢城剋定江
州降欵姑熟甲冑望風退散新亭李居士稽

首歸降獨夫既除蒼生蘇息便欲歸志園
林任情草澤下逼民心上畏天命事不獲已
遂膺大寶如臨深淵如履薄冰猶欲避位以
俟能者若其遜讓必復魚潰非直身死名辱
亦負累幽顯乃作賦曰日夜常思惟循環亦
已窮終之或得離離之必不終負宸臨朝冕
旒四海昧且軋軋夕惕若厲朽索御六馬方
此非譬世論者以朕方之湯武然朕不得以
此湯武湯武亦不得以此朕湯武是聖人朕
是凡人此不得以此湯武但湯武君臣義未
絕而有南巢白旗之事朕君臣義已絕然後
掃定獨夫為天下除患以是二途故不得相

比朕布衣之時，唯知禮義，不知信向。烹宰衆
生，以接賓客。隨物肉食，不識菜味。及至南面，
富有天下，遠方珍羞貢獻相繼，海內異食莫
不必至。方丈滿前，百味盈俎。乃方食輟筋，對
安流泣，恨不得以及溫清。朝夕供養，何心獨
耳。此膳因余蔬食，不斲魚肉。雖自內行，不使
外知。至於禮宴群臣，餽膳常菜，食味習侍
過黃羸，朝中班班始有知者。謝朓、孔彥穎等
屢勸解素，乃是忠至。未達朕心，朕又自念有
天下本非宿志，杜恕有云：剗心擲地，數片肉
耳。所賴明達君子，亮其本心。誰知我不貪天
下，唯當行人所不能行者。今天下有以知我

心復斷房室不與嬪侍同寢而處四十餘年
矣于時四体小惡問上者師劉澄之姚喜提
疾候所以劉澄之云澄之知是飲食過所致
答劉澄之云我是布衣耳肥恣口劉澄之云
官昔日食那得及今日食姚喜提含笑搖頭
云唯喜提知官房室過多所以致於時久不
不食魚肉亦斷房室以其智非和緩術無扁華
默然不言不復詰問猶令為治劉澄之處酒
姚喜提處丸服之病逾增甚以其無所知故
不復服因亦有疾常自為方不服醫藥亦四
十餘年矣本非精進既不食衆生無復殺害
障既不御內無復欲惡障除此二障意識稍

明內外經書讀便解悟從是已來始知歸向
禮云人生而靜天之性也感物而動性之欲
也有動則心垢有靜則心淨外動既止內心
亦明始自覺悟患累無所由生也乃作淨業
賦云介觀人生之天性抱妙氣而清靜感外
物以動欲心攀緣而成昔過恒發於外塵累
必由於前境若空谷之應聲似遊形之有影
懷貪心而不厭縱內意而自騁目隨色而變
易眼逐貌而轉移觀五色之玄黃翫七寶之
陸離著華麗之窈窕耽冶容之逶迤在寢興
而不捨亦日夜而忘疲如英媒之在摘若駿
馬之帶羈類白日之麗天乃歷年之不虧觀

耳識之愛聲亦如飛鳥之歸林既流連於絲
竹亦繁會於五音經昏明而不絕歷四時而
相尋或亂情而或慮亦惱耳而堙心至如香
氣醇起觸鼻發識晬晬追隨氤氲無極蘭麝
夾飛如鳥二翼若渴飲毒如寒披棘舌之嗜
味衆塵無有大苦鹹酸莫不甘口噉食衆生
虐及飛走唯日不足長夜飲酒悖亂明行罔
慮幽谷身之受觸以自安怡美目清陽巧笑
蛾眉細腰纖手弱骨豐肌附身芳潔觸體如
脂狂心迷惑倒想自欺至如意識攀緣亂念
無邊靡懷善想皆起惡筌如是六塵同障善
道方紫奪朱如風靡草抱惑而生與之偕老

隨逐無明莫非煩惱輪迴火宅沉溺苦海長
夜執固終不能改迤忝相隨灾異互起內懷
邪信外縱淫祀排虛枉命踣實橫死妄生神
祐以招福祉前輪折軸後車覆軌殃國禍家
亡身絕祀初不內訟責躬反已皇天無親唯
與善人外清眼境內淨心塵不染不取不愛
不嗔如玉有潤如竹有筠如芙蓉之在池若
芳蘭之生春淤泥不能汙其體重昏不能覆
其真霧露集而珠流光風動而生芬爲善多
而歲積明行動而日新常與德而相隨恒與
道而爲隣見淨業之愛果以不殺而爲因離
欲惡而自修故無障於精神患累已除障礙

亦淨如久澄水如新磨鏡外照多像內見衆
病既除客塵反還自性三途長乖八難永滅
止善既修行善無缺清淨一道無有異轍唯
有哲人乃能披襟如石投水莫逆於心心清
冷其若冰志皎潔其如雪在欲絕其既除懷
憂畏其亦滅與恩愛而長違顧生死而永別
覽當今之逸少想後來之英童懷荆玉而未
剖藏神器而存躬修聖行其不已信善積而
無窮永劫揚其美名萬代流於清風豈伏強
而稱勇乃道勝而爲雄

孝思賦

梁高祖

太常卿劉之遴注文多不載

想緣情生情緣想起物類相感故其然也每

讀孝子傳未嘗不終軸輟書悲恨拊心嗚咽
年未髫齒內失所恃餘喘矜竚姝媪相長齒
過弱冠外失所怙限職荆蠻致闕晨昏江途
遼負家無拍信髣髴行路先君體有不安晝
則輟食夜則廢寢方寸煩亂容身無所便投
刺解職以遵歸路于時齊隋郡王子隆鎮撫
陝西頻煩信命令停一夕明當早出江津送
別心慮迫切不獲承命止得小船望星就路
夜冒風浪不遑寧處途次定陵船又損壞于
時門賓周仲連爲鵲頭忒主借得一舸奔波
兼行屢經危險僅而獲濟及至戾止已無逮
及五內屠裂肝心破碎便欲歸身山下畢志

墳陵長兄哀愍未許獨行續有北問狹虜竅
邊朝廷以先君遺愛結民咸思在昔故舊部
曲猶有數千武慶宗將領留防彼鎮時便有
旨使扞壽春王事靡盬辭不獲免刺史崔慧
景志懷翻覆遠招逋逃多聚姦俠大猾凶醜
莫不雲集至如彭盆韓元孫等不可稱數倍
道電邁奄至淮淝凶徒疑駭相引離散臺軍
主徐玄慶房伯玉等欲襲取慧景乃固禁之
方得止息是歲齊明作相疑論未使密馳表
疏勸徵慧景折簡而召必不違拒即重遣還
以安其心女媧渠旣出緣邊無虞旬朔之間慧景
反鎮即便解甲以歸京師因介驅馳不獲停

息數鍾百六時會雲雷撥亂反正遂膺四海
念子路見於孔丘曰由事二親之時常食藜
藿之食為親負米百里之外親沒之後南遊
於楚從車百乘積粟萬鍾累茵而坐列鼎而
食願食藜藿之食為親負米不可復得每感
斯言雖存若亡父母之恩云何可報慈如何
海孝若消塵今日為天下主而不及供養譬
猶菜年而有七寶飢不可食寒不可衣永慕
長號何解悲思乃於鍾山下建大愛敬寺於
青溪側造大智度寺以表罔極之情達追遠
之心不能遣蓼莪之哀復於宮內起至敬殿
喝工匠之巧盡世俗之奇冰石周派芳樹雜

沓阻以國事亦復不能得朝夕侍食唯有朔
望親奉饋奠雖復得薦珍著而無所瞻仰內
心崩潰如焚如灼情切於衷事形於言乃作
孝思賦云尔

感四氣之變易見萬物之化成受天和而異
命稟地德而齊榮察蟪蛄於蚊睫觀蜚鵬於
北溟彼含識而異見同有色而殊形雖萬類
之衆多獨在人而最靈禮義別於飛走言語
異於鸚猩念過隙之儻忽悲逝川之不停踐
霜露而悽愴懷燧穀而涕零掩此哀而不去
亦靡日而弗思仲由念枯魚而永慕丘吾感風
樹而長悲雖一至而捨生奉二親而何期思

因情生情因思起導情源以涼樹引思心而
無已旣懷憂以終身亦銜恤而沒齒常閑居
以永念獨拊膺而自傷徒昇岵而靡瞻空陟
屺其何望涕縱橫以交流血沸涌而沾裳覽
地義以自咎懼滅性之乖方仰太極以長懷
乃告哀於昊蒼冀皇天之有感何報施之茫
茫曉百碎於魏闕夜萬斷於中腸心與心而
相續思與思而未央晨孤立而縈結夕獨處
而徊徨氣塞哀其似噎念積心其若狂至如
獻歲發暉春日載陽木散百華草列衆芳對
樂時而無歡乃觸目而感傷朱明啓節白日
朝臨木低甘果樹接清陰不悞悅於懷抱但

罔極而纏心兼葭蒼蒼白露爲霜涼氣入衣
淒風動裳心無迫而自切情不觸而獨傷若
乃寒冰已結寒條已折林飛黃落山積白雪
旅鴈鳴而哀哀朔風鼓而颼颼目觸事而破
碎心隨感而斷絕無一息而緩念與四時而
長切年揮忽而莫反時瞬睽其如電想慈顏
之在昔哀不可而重見痛生育之靡咎顧報
復而無片悲與恨其俱興涕雜血其如霰鷓
青春而差池鴻素秋而翱翔去來候於節物
飛鳴應於陰陽何在我而不介與二氣而乖
張常茹酷而輪迴歷日夜而不忘旣視丹而成
綠亦見白而爲黃擾性情以翻覆汨神慮而

迷荒想鳴鶴而魂斷聽孤鷄而心死慟終天
而無怙號畢世而靡恃觀休屠之日殫豈教
義之所及見甘泉之畫像每下拜而垂泣忽
心動而不安遽入侍於帝室值何羅之作難
乃檢之以投瑟超王臣之稱首冠誠勇而無
疋士行已之多方見石他之有權身雖死而
名揚乃忠孝而兩全顧丁蘭其何人家河內
之野王時舞象而方及始成童而親亡刻木
母以供事常朝夕而在傍劉鎮就養而不暇
常遠汲而力寡苦節感於幽靈醴泉生於竈
下顧長沙之臨湘有古初之道始時父沒而
未葬遇隣火之卒起乃伏棺而長號雨暴至

而火死又何琦其亦然獨樞屋而全止至如
王祥黃雀入帳隗通橫石特起盛彥之開母
目邢渠之生父齒覽斯事而衆多亦難得而
具紀靈蛇銜珠以酬德慈烏反哺以報親在
蟲鳥其尚介況三才之令人治本歸於三大
生民窮於五孝置天地而德盈橫四海而不
撓履斯道而不行吁孔門其何教

遊七山寺賦

梁宣帝

此山川之寥廓時天高而氣靜路閑曠而清
華地幽栖而特挺窮浙右之標絕極宇中之
勝境承興序而陟涉聊盤桓而騰騁盡登臨
之雅致悅誼囂之躔屏因茲連鑣結駟竝憶

方舟萬騎齊列千楫爭浮皆東南之後異並
禹穴之琳球差池集侶容與雋儔巷無服馬
路寡遺輶窮周章而歷覽盡娛翫而遨遊介
乃傍林橫出輕舸上泝歷秦王之舊陌緣越
地之昔路望塗山而斜繞逕南湖而迴渡連
天台之華嶺引若耶之長注乍汎瀆而瞻望
或陵峯而一顧於是歷樂林而南上昇法華
而望西有磕磕之奔澗復疊疊之長溪旣皎
潔而如鏡且見底而無泥途嶮峭而巉絕路
登陟而如梯旣攀藤而挽葛亦資伴而相提
窮羊腸之詰屈極馬嶺之高低霧昏昏而漫
漫風颭颭而淒淒瞻洪川其如帶望巨海其

如珪執玉帛於茲地會諸侯而赴稽想跡柯
之茂葉憶大骨之昏迷傳盛美於斯岳播遺
範於氓黎既迺瞰往賢之舊跡美高尚之餘
風踐遶草之蕪沒撥蓁苒之弥蒙名岳峩而
峙立峻谷杳而虛冲春林漂而皆碧秋沼淨
其如空既連綿而相接兼隱軫而無窮信英
竒之攸止實翔集之所崇傍高巒而建刹亦
帶壠而成宮神靈更其盻響仙聖互其交通
巖霏霏而起霧樹布護而抽叢嘉卉生其前
後善草植其西東瞻朱扉之赫弈望寶殿之
玲瓏擬大林之精舍等重閣之講堂既爽塏
之禪宇亦顯敞之華房跨曲澗而爲室繞紆

崑而脩牆夕雲生於窻牖朝日照於簷梁諒
隙曲而成麗蓋照景而生光派清梵之宛轉
響桴磬之鏘鏘構造精密華麗無方清流四
繞吐溜悠長邈迤闡閣峻絕塔隍水碓侔於
金谷飛樓似於建章其徒衆則乍遊乍處或
賢或聖並有志於頭陀俱勤心於苦行競假
寐而誦習咸夙興而虔敬識苦空之迅流惜
朝陰之奔競潛深窟而學六通隱閑蕪而修八
正或燒體而爲功或炙身而入定薰名香之氛
氲咸飛錫而相映或振塵而高談或閑居而
坐聽禪衆疑於漆木智士同於懸鏡旣釋教
之興華乃法輪之宣盛寺旣憑山而構造山

亦因寺而有七蓋靈瑞之所臻亦竒士之所
出產龍劍之遺溪遊鹿机之餘術謝鳳來而
容與鄭風反而蕭颺旣清澗之漣漪亦飛流
之涌溢竒樹筍而成林珍果榮而非一植山
海之雙榴種丹盧之兩橘梅花皎而似霜黃
甘壯其如日或曄曄而夏開也離離而冬實
山多寶玩地出瓊珍金玉生其陽珠石出其
陰神筭岵岵而獨立仙的皎皎而孤臨孰知
歲之豐儉覩玄白而皆謔刻石記於羸德披
圖悟於禹心懸崖百仞擢榦千尋峒堯兮闊
達螺峴兮嶽崙樹脩聳而巖峻泉流激而水
深仰瞻增其隱隱側眺覩其沉沉眇然兮無

際邈尔方無邊遠山崔嵬而間出近樹龍從
而相牽巖將頽而未墮峯入漢而猶懸望蟬
聯而蔽日視愒恍而連天有石帆之異狀擬
瀑布之飛泉實逢巖而聚霧乃觸石而成煙
旣峩峩而蔭映亦崑崙而阡綿旣遠控於江
海兼近接於村田反瞰城邑傍眺市廛稱神
州之鎮嶺實天下之名川至若蓬萊遊於聖
迹巫岫表於神仙衡陽聞於夏貢嵩岳重於
周篇曾何比麗詎此同妍復有標竒神井萬
載澄渟汲之不竭添之不盈雖頻撓而不濁
徒屢攪而終清涉隆冬而溫燠經歛暑而冷
泠異城都之飛火寧踈勒之表誠匹醴泉之

蠲疾同溜水之鑿形亦有孤潭道士焦里夫
人獨居味道寂絕朋賓餐霞永日靜坐千春
衢無行跡路產荆榛旣勤劬而向道亦蕭灑
而忘塵或逍遙而諷詠或擁膝而長吟同董
生之垂讖學梁子之明箴將松喬而共侶與
嚴衛而相親其林藪弥密羽族爭歸獲連臂
而下飲鳥比翼而群飛鴻鵠集而相映白鷗
晶而生輝拂霜毛之弈弈鼓素翮之霏霏兼
有竒禽猛獸偃息溪圻虎懷仁而不害熊隱
木而生肥巨象數仞雄蛇十圍麀鹿易附狎
兔俱依同彭鏗之仙室異海鳥之知機藥卉
叢生消痾駐老地出長齡墟多壽考似南山

之溪谷匹井中之埋寶送劉五者何殊四皓
復有牛膝鷄腸雀頭鸚草甘菊辛夷苦參酸
棗紫苑赤箭黃菁白朮天門地骨肉芝石腦
神農是嘗仙經是造白兔服而通靈鹿皮餌
而得道其果則有木瓜棗楊桃楊梅朱橘
冬茂黃蘗秋開楂梨並杜柿柰爭瓊枳椇列
植而為藪懸鈎觸草而徘徊林檎侔於萍實
甘嘗擬於帝臺紅梅萼萼車李胡頹綠探冬
獻紫芋秋來半夏成圃春就群栽枇杷梨豆
推栗兼該或炫炫之丹實或靡靡之青芩禦
疾風而弥艷中嚴霜而不摧旣葑鬱之梧桐
亦檀欒之脩竹篠箭亂其形類筋筋桂異其品

族映檐牖而交加繞房廊而郁毓
拖葉陰於清泉結根攢於幽谷
靈木之所自生瑞鳥之所栖宿
實散賞之佳地信開心而醒目
至如涼秋九月百卉飄零氣淒淒
而恒勁風颯颯而常生愁蟬引於
南壠塞鳥吟於北庭蟋蟀哀嘶而
遠聞孤狻叫嘯以騰聲鴻鴈嗃嗃
而夜響鷓鴣鷓啁而悲鳴增逸民
之放曠動遊士之滯情咸有志於
獨往俱栖心於濯纓信達人之良
會蓋可伸其遊矚故孝先往而成
真慶緒經而離俗憑怪石而爲枕
因滄浪而洗足蓋往賢之所同亦
先儒之高學余宿昔之心期常有
懷於遐邇屢徘徊於浪桂頻留

連於名岳念家國之隆恩緩獨往之遺躅欲
抽簪而未從聊寄美於斯曲

宿山寺賦

梁王錫

脂車秣駟薄暮來遊入界道而遼朗息祇樹
而淹留惟基構之所處實顯敞而高居延層
軒之迢迤屬廣廡之踟蹰差繡栴而反宇列
緹柱而承鬲介乃陟飛陛於峻岐登步櫚於
絕頂旣中天而昇降亦攀雲而遊騁宇陰陰
而怡曠階肅肅而虛靜朗華鍾之妙音曜光
燧之清影其房則開窻木末浮柱山叢引含
光之澄月納自遠之輕風因明兮目極憑迴
芳望通平原兮無際連山兮不窮識生煙於

岫裏眄列樹於巖中樹陵危而秀色煙出遠
而浮空情迢遙於原野心放曠於簾櫳夜悠
悠而何期露瀼瀼而漸落翫一葉之流螢聆
九野之鳴鶴盥泉芳藉芳杜入谷芳佩滋蘭
靜嘯芳䟽煩想獨往芳恣遊盤信一致之易
息豈萬物之能干就薄帷而安夜寢迺高枕
而極星闌

鹿苑賦

魏高允

啓重基於朔土系軒轅之洪裔武承天以作
主熙大明以御世灑靈液以滂流扇仁風以
遐被踵姬文而築苑包山澤以開制殖群物
以充務蠲四民之常稅暨我皇之繼統誕天

縱之明叡追鹿野之在昔興三轉之高義振
幽宗於已永曠千載而有寄於是命匠選工
刊茲西嶺注誠端思仰模神影庶真容之髣
髴耀金暉之煥炳即靈崖以構宇踈百尋而
直上絙飛梁於浮柱列荷華於綺井圖之以
萬形綴之以清永若祇洎之瞪對孰道場之
塗迴嗟神功之所建超終古而秀出寔靈祇
之協贊故存貞而保吉鑿仙窟以居禪闢重
階以通述澄清氣於高軒佇流芳於王室茂
花樹以芬敷涌醴泉之洋溢祈龍宮以降雨
侔膏液於星畢若乃研道之倫行業貞簡慕
德懷風杖策來踐守應真之重禁味三藏之

淵典或步林以經行或寂坐而端宴會衆善
以並臻排五難而俱遣道欲隱而弥彰名欲
毀而逾顯伊皇輿之所幸每垂心於華囿樂
在茲之閑敞作離宮以營築固爽塏以崇居
枕平原之高陸恬仁智之所懷眷山水以肆
目玩藻林以遊思絕鷹犬之馳逐眷昔年以
廣德縱生生以延福慧愛內隆金聲外發功
濟普天善不自伐尚諮賢以問道詢芻蕘以
補闕盡敬恭於靈寺遵晦望而致謁奉清戒
以畢日兼六時而宵月何精誠之至到良九
劫之可越資聖王之遠圖豈循常以明教希
縉雲之上昇羨頂生之高蹈思離塵以邁俗

涉玄門之幽奧禪儲宮以正位受太上之尊
号既存亡而御有亦執靜以鎮躁覩天規於
今日尋先哲之遺誥悟二乾之重蔭審明离
之並照下寧濟於兆民上剋光於七廟一萬
國以從風揔群生而爲導正南面以無爲永
措心於冲妙夫道化之難期幸微躬之遭遇

逢扶桑之初開邁長夜之始曙顧衰年以懷
傷惟負忝以危懼敢布心以陳誠効鄙言以
自著

大乘賦

并序

李顥

大乘者蓋如來之道場也故緣覺聲聞謂之
小乘言法駕之通馳如舟車之致遠也夫合

抱興於毫末九層作於累土從淺以高大理
妙在於不有迹塵由乎不無舉有以希無則
無無以暢忘無以統有有以通無無以
暢則乘斯小矣有有以通則乘斯大矣夫摠
福祐之會者莫尚於法身宣一切之知者莫
貴乎如來故神稟靈照以觀三達之權思周
深妙以入四持之門知色之空任而不敗起
滅無崖終始無際形寄於宇宙之中而心包乎
二象之外目察於芥子之細而識鑒乎須彌
之大美哉淵乎其源固不量也嗟嘆不足遂
作賦曰

建大乘之靈駕兮震法鼓之雷音除行蓋之

欲疑兮餐微妙以悅心滿覺意之如海兮演
般若之淵深平八道之坦蕩兮遊揔持之苑
林定禪思於三昧兮滅色想於五陰執抵羅
之引弓兮操如意之喻琴破衆網之將裂兮
剗貪垢而絕淫危泡沫之暫結兮焉巧風之
足欽或明行而善逝兮積功勲以迄今收薩
云之空義兮運十方而魔擒開止觀之光燄
兮消邪見之沉吟閉必固之垣牆兮同影響
之難尋

詳玄賦

仙城山釋慧命

惟一實之淵曠嗟萬相之繁雜真俗異而體
同凡聖分而道合承師友之遺訓藉經論之

垂芳馨塵庸之小識請興言於大方何羣類
之蠢蠢處法界之茫茫性窮幽而弥曉理至
寂而逾彰既非空而非有又若存而若亡談
秘密於慈氏歎杳冥於伯陽湛一虛而致極
揔萬有以爲綱雖即事而易迷亦至近而難
識非名言之所顯豈情智而能測口欲辯而
詞喪心將緣而慮息故雖一音隨類之能三
轉任機之力莫不停八梵於寂泊之門輟四
辯於恬惔之域尋其涯也豁乎無際眇乎無
窮源乎無始極乎無終解惑以茲齊貫深淨
於此俱融該空有而闡寂括宇宙以通同論
其用也一而能多靜而能亂挺萬類之殊形

吐群情之別觀結五住之盤根起十纏之羈
絆隨迷悟而通塞逐昏明而集散四流因之
漂蕩六道以之悠漫三賢十聖暖以聯綿二
智五眼曄而輝煥渾昇沉而共壑派違順以
分歧體無非而不是用無相而不爲若純金
不隔於環玕等積水不憚於漣漪故今名用
誼雜集起紛馳事若萬軫殊轍理則千輪共
規觀無礙於緣起信難思於物性猶寶殿之
垂珠若瑤臺之懸鏡彼此異而相入紅紫分
而交映法無定於心境人靡隔於凡聖物不
滯於自他事莫擁於邪正何巨細之殊越遂
參互而容持隣虛含大千之界刹那揔三際

之時懼斯言之少信借帝網以除疑蓋普眼
而能矚豈惑識以知之覲九會之玄文覽萬
聖之貽則睠常啼於東市慕善財於南國歷
多城而進解訪衆師而遣惑始承命於文殊
終歸宗於妙德雖遊形於法界未動足於祇
園嘆一王之似虐嗟五熱之非暄握手入和
修之舍彈指開阿逸之門聞一音之常韻觀
極聖之恒存三九於茲絕聽二七自此亡塊
斯甚深之境界亦何易而詳論悼稟識之多
迷慨群生之少慧保一異之四邪執斷常之
雙計怖夢虎於長眠翫空花於久翳縈結纏
而未解任漂流而莫濟背七覺而逾昏深六

慾而方滯何理通而志隔既法是而情非忽
矜嶷而獨往久逃逝而亡歸埋寶藏於窮舍
匿明珠於弊衣抱一具而不識縈萬惱以歔
歔嗟余既已傷於悟晚且又悲乎命局藉五部之
流耀蒙四依之睽錄涉講肆以開愚託禪林
而遣慾猴著鎖而停躁蛇入筒而改曲涉曠
海以戒舟曉重幽以慧燭絕諍論於封想息
是非於妄情創斂緣於有覺終寂慮於無生
顯真宗之實相達世用之虛名道莫遺於始
行暗弗拒於初明擬六賊其方潰冀十軍之
可平昏雲聚還散心河濁更清性海無
增減行月有虧盈疑兔足之致淺懼鴻毛之

見輕爲山託於始簣庶崑崙之可成

玄圃園講賦

蕭子雲

曰天監之十七屬儲德之方宣惟玉帛之光
盛信昌符之在焉於是上照天下漏泉輪囷
之氣吐煙日月之景揚負乃聖武之龍飛載
爲家於天下思承規於景數遂長發而明社
若重光於有周似二英於皇夏方前星而列
曜播洪鍾於胤雅去茲永福來即東朝文物
是紀聲明是昭發玄章於粉績靡青綏於翠
翹鑿納那而垂藻笳和鳴以承簫載錫其光
令聞今望察情幄帳讓齒虞庠性與天道言
爲珪璋詩史遙集禮易翱翔義華洛水文麗

清漳昔七覺之吐華高人天而爲長道西被
乎日用法東流而未朗故授神荊於文昌寄
寶舩於明兩異昔談而同世亦千年而影響
聞填填之法雷見慧雲之初爽真如之軌旣
接發揮之功已躡間金泥剖玉牒削蒸栗之
簡採羅樹之葉石室靈篇南宮神篋所以一
音不已而待規重矩疊者矣惟至人之講道
必山林之閑曠彼柰園與杏壇深淨名與素
王模清遊之浩瀆擬樂賢之隆壯睿情杳然
是焉供帳乃高談玄圃之苑張樂宣猷之上
觀夫靈圃要妙揔禁林之叫籛稟輦道之三
星躔离宮之六曜寫溟浚沼方華作峭其山

則列施狎豕硃磳詭詭坂墀截降夏含霜雪
下則谿壑泓澄虹螭降昇上則青霄丹氣雲
霞鬱蒸金華琳碧燭銀硤石藻玉摘白丹瑕
流赤周以玉樹灌叢紫桂香楓篔簹含人桃
枝育蟲妙草的皜靈果垂蔓長卿寒翠簡子
秋紅崖戴雲而吐雨木鳴條而起風中有蘭
渚華池淶流滌濘激水推移弥望杳溟到飛
閣之嵯峨漾釣臺而浮迴張翠帷於鴻舩泛
羽旒於雀艇鳥則杉鷄繡質木容錦章戴勝
吐緩鷓鴣鷗香壁龜紫鱉鷓鴣鴛鴦風鳴日
思高廣浮長內則錢苻菱華菡萏散葩硤
巨石瀆漉碧砂離筵比目累綺紅蝦漂青綸

之萋折蕩碧組之鬚鬚銅龜受水而獨涌石
鯨吐浪而戴華所以藉園籞之壯觀將髣像
於毗耶於是清宮廣闢宿設宵張華燈燭耀
火樹散芒鋅閃六尺籠叢九光穎若流金之
出沙嶼粲若列宿之動天潢朝曠朗而戒旦
雲依霏而卷族輕輦西園齊宮北園文衛濟
濟僧徒肅肅法鼓朗而震音衆香馥而流馥
亦有百獸皎皎皇皇雲車九層芝駕四鹿吳
越楚艷胡笳燕筑常從名倡戲馬蹋鞠巡少
陽渡紫複繞崇賢瞰承祿揚散華之飄颻響
清梵於林木燈王歸而贈筵香積來而獻熟
似衆聖之乘空若能仁之在目旣而俄軒有

睥肆筵授几高殿肅而神嚴微言欣而奏理
煥嘉語於丹青得親承於音旨智周物而為
心情研機而盡諦言超超而出象理疊疊而
踰繫類多兩娛心之談未足云晉儲真假之
理豈能逮史臣乃載筆撰功請事其職賦金
相玉式世既聞甘露之言民已登仁壽之域
矣將奉瑤宮之軟陪雲樓之軾福穰穰委如
山長莫長永無極

夢賦

隋釋真觀

昨夜眠中意識潛通類莊生之覩胡蝶如孔
氏之見周公雖夢想之虛偽亦心事而冥同
尔乃見一奇賓傲岸驚人無名無姓如鬼如

神姿容閑雅服翫光新入門高揖詣席誇陳
余乃問曰夫邪不干正惡無亂善清濁異流
昇沉各踐吾身披法鎧心遊妙典六賊稍降
四蛇方遣大乘已駕小魔宜剪君是何人欲
來何辯客乃對曰久承名行未遑修敬常深
注仰每軫翹詠忽覩光儀良有嘉慶欲伸諮
請願垂高命夫人生假借一期如擲倏虹電
之驚天迅白駒之過隙豈不及年時之壯美
取生平之歡適或走名驥於長阡或駕飛輪
於廣陌坐西園而召友敞南齋而對客出野
外而操琴入閨中而撫石或復合罇促坐傳
觴舉白重之以笑歌伸之以燔炙至如學富

門昌德重名揚江東獨步日下無雙心爲義
窟身是智囊彫金仕漢佩玉遊梁高車駟馬
桂戶蘭房烈燕姬而滿側奏秦女而盈堂聞
絃管之寥亮聽絲竹之鏗鏘何則一生之快
樂亦千載而派芳豈能栖栖獨處傍無笑語
剃髮除鬚違親背主形容憔悴衣裳縑縷旣
闕田蠶復無商估等碎繒之百結似破襖之
千補至如玉露朝團金風夜寒老舟舟而行
至歲忽忽而將闌床空帳冷覆薄眠單絕子
孫於後胤罷賓從而來歡欲以斯而爲道亦
得道之量難余乃听然含笑略陳心要徐而
答曰省來說之嬌張遂引誘於邪方欲以井

蛙共海鯤而論大燭火與日月而爭光無異
鷦鷯之比鵬翼培塿之匹崐峴尔既昏懵於
生死亦耽染於玄黃唯知酣酒嗜慾峻宇彫
牆豈識多財之被害寧信懷璧而為殃佳味
爽口美食爛腸貪姪致患渴愛成狂人生易
盡物理無常朝歌暮哭向在今亡忻歡暫有
憂畏延長且世間紛攘竟無閑賞五苦競來
百憂爭往妻子翻為桎梏親愛更如羅網私
里恒弊巘岼公事徒勞鞅掌榮華有同水沫
富貴實如山響然自沉淪倒惑恒懷砒毒不
孝不慈無道無德曾襟隴戾心腑讒賊自大
嬌奢志能苛刻詎識仁義誰論典則無趣損

傷非理貪匿見利爭往臨財苟得失位失名
亡家亡國命繩溘斷身城倒匍業繫其頭鬼
穿其肋冰池向踐火山方冒忍痛自知銜悲
誰告尔乃刀林擁聳劒樹嵯峨爐飛猛燄鑊
湧驚波稜層鐵網蕨蕨灰河夙諸苦難次第
經過頭蓬鋸解骨被磨摩舉身星散合體滂
沍一朝鍾此萬恨如何若夫正法弘深妙理
難尋非生非滅非色非心浩如滄海鬱似鄧林
隨機往赴逐應便臨內宣萬德外啓八音威降
醉象影攝驚禽形如滿月色似融金遂令尼犍
脫屣梵志抽簪然而出家之爲道也則蕭散憂遊
無欲無求不臣天子不敬王侯似無報之璧如不繫

之舟聲樂不能動軒冕不能留無爲無欲何懼
何憂戒忍雙習禪慧兼修天人師範豪庶依
投若夫爲學日益爲道日損損之則道業踰
高益之則學功踰遠故形將俗人而永隔心
與世情而懸反所服唯是三衣所食未曾載
飯從師則千里命駕慕法則六時精懇濯慮
於八解之池怡神於七淨之苑至如道安道昱慧遠
慧持赤鬚法主青眼律師弘經辯論講易談詩開
神悅耳析滯去疑並皆揚名後代擅步當時或
與秦王而共輦乍將晉帝而同幃遂使桓玄再
拜而弗暇郗超千斛而無辭尔乃行因已正方饗
餘慶四梵爭邀六天俱聘封畿顯敞國土華淨寶

樹瓊枝金蓮玉柄風含梵響泉流雅詠池皎若銀
地平如鏡妙香紛馥名花交映近感樂身遠
招常命若夫六度修成十地圓明靈智旣湛
種覺斯盈寂寥虛豁皎潔澄清非起非作無造
無營法眼不闕其色天耳不聽其聲惡言不能
加毀美譽無以爲樂質非質礙之質名非名
相之名水火衝天而不懼雷霆震地而不驚
雙林現滅而不滅王宮示生而不生旣窮天下之
至妙誰敢與之抗行於是前來君子聞斯語
已合掌曲躬斂眉彈指翬飛氣懾神寢情否
踈踏無顏逡巡驚起自陳孤陋未知臧否追
用感傷實懷慙恥今日奉教謹從命矣

傷愛子賦

江淹

江芄字胤卿僕之第二子也生而神俊必為美器惜哉遘閔涉歲而卒悲至躑躅迺為此文惟秋色之顥顥心結絹兮悲起曾憫憐之慘悽痛掌珠之愛子形惇惇而外施心切切而內圯日月可銷兮悼不滅金石可鑠兮念何已緬吾祖之赫羲帝高陽之玄曹惜衰宗之淪沒恐余人之弗構覲三靈之降福竚弱子之擢秀酷奈何兮胤卿郟逢天兮不祐介誕質於青春攝提貞乎孟陬謂比芳於右烈望齊英於前修邁高行之美迹嗚盛業之清猷白露奄被此百草余同凋於梧楸憶朱

明之在節顧岐嶷之可貴睨鑪帳而多怡瞻
戶牖而有慰奚在今之寂寞失音容之髣髴
姊日中而下泣兄嗟季而飲淚感木石而變
哀激左右而隕歔奪懷袖之深愛介母氏之
麗人屑丹泣於下壤僚慙憂於上旻視往端
而擗慄踐遺緒而苦辛就深悼而誰弭歸末
命方何陳我過幸於時私爰守官於江潯悲
薄暮而增甚思纁黃而不禁月接日而爲光
霞合雲而成陰霧籠籠而帶樹月蒼蒼而架
林嗟柰何方弱子我百艱方是尋驗纈帶之
夜緩察葆鬢之朝侵惟人生之在世恒歡寡
而感饒雖十紀之空名豈百齡之能要迅朱光

之映夜湛白露之凝朝指茲誓而取免排此理
以自銷然則生之樂兮親與愛內與外兮長
與稚傷弱子之冥冥獨幽泉兮而永閔余無
愆於蒼祇亦何怨於厚地信釋氏之靈果歸
三世之遠致願同昇於淨刹與塵習兮永棄
無為論 并序

吾曾迴向正覺歸依福田友人勸吾任吾志
不改故註無為論焉 有弈葉公子者聯蟬
七代冠冕組望多素紈黼衣繡裳負長劍而耿
耿佩鳴玉而鏘鏘時遊稷下或客於梁間英
雄而豹變聽利害以龍驤乃動朱履而馳寶
馬振玉勒而曜金羈之無為先生之門問曰

先生智德光融嵩華無得以方其峻道義清
遠溟海不足以喻其深無學不窺無事不達
容儀閑靜言笑溫雅至如釋迦三藏之典李
君道德之書宣尼六藝之文百氏兼該之術
靡不詳其津要而採撫沖玄煥乎若覩於鏡
中炳乎若明於掌內余聞天地之大德曰生
何以聚人曰財是故老聃以爲柱史莊周以
爲園吏東方持戟而不倦尼父執鞭而不耻
實萬古之師範一時之高士先生嘉遁卷迹
養德不仕乃列子之所待非通天下之至理
雖江海以爲榮實搢紳之所鄙先生攸爾笑
而應之曰富之與貴誰不欲哉乃運而不通

也夫忠孝者國家之急務也申生伍員不得志也懷道抱德玄風之所尚楊雄東方其職未高也其大學者不過儒墨亦栖栖遑遑多有不遂也子所引之士者情雖欲之志不行也憂喜不移其情故可爲道者也過此已往焉足言哉吾聞大人降迹廣樹慈悲破生死之樊籠登涅槃之彼岸闡三乘以誘物去一相以歸真有智者不見其去來有心者莫知其終始使得湛然常住永絕殊塗無變無遷長祛百慮恬然養神以安志爲業欲使自天祐之吉無不利舒卷隨取進退自然遁逸無悶幽居永貞亦何榮乎亦何鄙乎子其得之

吾何失之塵內方外於是乎葉公子愬然而
有慙德遂巡而退

伐魔詔并序

元魏懿法師

慰勞魔書

檄魔文

魔王報檄

破魔露布

平魔赦文

伐魔詔并序

夫生在三界恒為四魔所媯沉淪生死遍在
六趣若一得人身及聞經法譬見優曇喻值
浮孔尋惟聖教實開心目懿身處下流元希
彼岸直因生有惡此漏身心去志恭徒然無
補略因愚管憑剿四魔昔在年幼嘗作破魔
露布文雖鄙拙頗為好事者所傳自遷都之

後寓在洛陽忽於故塔之中得此本文時遇
值今國都法師尚在金剛波若寺講勝鬘經
輒以呈示法師學涉內外甚好文彩乃更披
經卷賜示魔事兼得擬符氏時釋道安檄魔
文共尋翫之復竭愚淺修改舊文更作平魔
赦重薦法師更無嫌也但安公檄文直推天
魔凡爲世患經列有四且天魔權變非浮情
所測煩惱陰死爲患寔深輒更起伐魔詔慰
勞文冠之於初是以前後不同文頗繁重冀
信心君子兩得行之輒并編安法師檄文爲
次合爲一卷

伐魔詔

門下僞魔逋誅于茲曠劫鷹鷂時四山狼顧五
道心頑縱毒常懷返噬固守一隅擁隔聲教
自大通已降爰暨賢劫雖百王繼踵千聖相
尋威懷百途弊道千計猶不能遏彼邪心息
此異見得使貪競相緣瞋癡互舉常結四生
終歸六趣眷言斯瘼實用傷懷今原燎方邇
浸潤有漸無宜自寬以致顛覆可簡將練卒
隨機殛撲勿使蒼生懷予復之歎主者告下
時速施行

臣信相等言奉被

詔書如右臣聞見機者則承風以先附守迷
者必威加而後降是以舜舞干戚有苗自縛
於王庭目連授弓則金地相圍之日故能斬

伏心王塞靜樓觀身被忍鎧手挈浮囊棄所
保之貨賄設禪悅之名餽宴彼竒將集此雄
勇志有所規則無往不摧心之所向則無思
不服四魔區區焉足以規慮哉但今聚結未
散事須平蕩輒依分處星言宿駕謹重申聞
請可付外施行謹啓

慰勞魔書

告三界五道有識群生等夫曦和迭駕盲者
尚迷其光雷霆震響聾者猶惑其聽雖照屬
理均而臬受道異致今法音擁於殊聞慈光
蔽於異見昏痼相仍長迷永夜劫石有磷此
緣無竭故我高祖愍此橫流心存拯溺體韞

殊光口含異響開宏基於未前構玄覺於有
始故一闡洪猷則巨擘競馳再擇道教則羊
鹿服御證無生於曾襟戢寂滅於懷抱但年
德推移心存靜定爰命皇儲紹隆大業先帝
藉此洪資纂我前緒積德三大累功塵劫心
變冥機遊神赴會身固舟囊陵波拯接出沒
任情權旨自在故能超彼九劫降此四天跨
據一方威攝萬國八十年中刑措不用但時
不我與聖上遷化教迹道殊人懷異念卿等
或是日種輪王世跨四域或是用性高良忠
貞不貳享三界之名官保一時之榮祿但爵
命難恒時有不忝泰或因憍慢而喪家或由貪

殘而失國故今後胤彼流奄然忘返遵彼邪
原汎此慾海而使天魔承豐作患於上方煩
惱因茲侵淫於下國或縈中陰於未生或馳
五衰以告老終疲昇降長勤往沒幕府因機
策起英略超群緯文經武體真練俗承百王
之洪規稟萬代之遺則履道居彼龍象扣此
津門方當馳光上下候騎八維摠括群邪羅
絡萬有籠三界於一身抗百綱於無外摧拔
須彌翻波巨海顛倒宇宙迴易日月使人天
倒懸水陸焦沸然復塞其必我之心開其子
來之路扇清風於塗炭布同愛於無間平蕩
三途攝茲四有威以動之福以綏之藁介小

醜焉足以語哉卿等既爲所悞沉淪日久宜
藉此時機早建良畧夫時難得而易失機尚
速而後悔若得時也則福祿競臻如失機也
則敗捷爭及故竇融享爵事歸於先覺公孫
嬰戮取敗於後機此皆往事之高鑒當今之
軌轍且智者處危以謀安愚者臨成以致敗
成敗安危在於時機非降自天抑亦人謀今
三車竚駕寶藏初開懸重爵以俟功設天官
以命哲正是大士縱橫之秋智勇獻功之日
與卿等同發遐原枝流異土追惟在昔猶或
依依言念四魔不覺撫劔故先遣白書略陳
成敗曾改迷徒尋光赴命相與齊轡道場比

肩輪下諮稟未聞受教君子友朋好合不亦
善乎無宜大安斯趣盤桓遊逸恐此生滅相
尋有無繼作若三毒一馳則義無怨親四凶
互出則天壽俱翦雖欲保全其可得哉今善
牙已建六軍啓途出彼火宅尋討未服梟斬
之期非旦即夕幸體往意時作出計勿懷猶

豫濫嬰斯福臨路遺書忽忽無盡

檄魔文

弥天釋道安頓首魔將軍輪下相與雖復玄
徒殊津人天一統宗師雖異三界大同每規
良集伸其曩積然標榜未宣所以致隔今法
王御世九服思順靈網方伸宏綱彌布大通

有期高會在近不任翹想並伸預意釋道安
頓首

夫時有通塞禿終則泰千聖相尋萬師迭襲
昔我高祖本元天王體化應符龍飛初域仗
權刑以剖萬邦奮慧柯以伏六合咸蕩四邪
掃清三有方當抗宏綱於八區亘靈網於宇
宙夷靜七荒寧一九土但冥宗不弔真容凝
靜重明寢輝虛舟覆浪故令蛇蟻煩興梟鏡
競起翳深眞徒塵惑清衆虐被蒼生毒流萬
劫恠道有情異心同忿我法王體運應期理
物上藉高貴下託群心秉玄機以籠三千握
聖徒而隆大業雲起四宮鸞翔天竺降神迦

夷爲法城塹撫育黎元善安卿士匠導群賢
慰喻有疾嚴慧柯於胷中被神鉀於身外愍
十八之無辜哀三空之路絕志匡大業情必
平難百域千邦高伏風化承君久抱惑心重
迷自覆深執愚懷固守爲見狼據欲天梟鳴
神闕畔換壇場抗拒靈節謂天位可登供規
可改覽茲二三遠爲歎息何者大通統世則
群方影從而僞癡天魔不遵正節忤忤聖聽
塵撓神心領卒塞虛竒形萬變精鉀曜曦霜
戈拂日靈鼓競擊響衝方外高步陸亮自謂
強威而王師一奮群邪殄喪魔衆迷革心望風
內附況君單將僥然一介土無方尋衆不成

旅而欲背理違常陵墟華邑篡奪靈權勝常
取信以僞忝真可不謬矣于今釋迦統世道
隆初劫妙化堂堂神羅遠御智士邕邕玄筭
蓋世武夫龍超捉鞞千隊協略應真竒謀超
拔故命使持持節前鋒大將軍閻浮都督歸義
侯薩陀波崙獨稟天姿義陳玄覺神高須弥
猛志籠世善武經文忠著皇闕領衆四十萬
億揚鑿路首故命使持持節威遠大將軍四天
都督忉利公導師曇無竭武勝群標文超隨
夏宏謀絕塵心栖夢表每憂時忘身志必匡世
領衆百億虎盼須彌故命使持持節征魔大將
軍六天都督兜率王解脫月妙思虛玄高步

塵表略並童眞功伴九地悼愍三塗念君縱
害援劔慷慨龍迴思奮領衆五百萬億鸞鳴
天衢故命使持持節通微將軍七天都督四禪
王金剛藏明志虛玄金顏遐矚恩殊九錫力
傾山海左顧則濛汜飛波右眄乃扶桑落曜
德無不施威無不伏領衆七百萬億雲迴天
門故命使持持節鎮城將軍九天都督十地大
王維摩詰竒筭不思法柯達震體合神姿權
像萬變呼吸則九服雲崩叱吒則十方風靡
威被下愚無辜酸楚領衆九百億飲馬靈津
故命使持持節鑒復大將軍十九天都督十任
大士文殊師利承曹遐元形暉三耀身白金

剛神高體大應適千途玄筭萬計群動感於
一身衆慮靜於一念深抱慈悲情兼四攝領
衆塵沙翱翔斯土故命使持節匡教大將軍
十九天都督錄魔諸軍事群邪校尉中千王
觀世音智略淵深慧網遐網明遠六通朗鑒
三固或託跡群邪耀奇鋒起或權形二九息
微塗炭揮手則鐵圍摧巖噓吸則淨雲頽愕
能爲十方作不請之益領衆不思風吟虎嘯
故命使持節撫化大將軍十方三界大都督
補處王大慈氏妙質從容天姿標朗體踰金
剛心籠塵表猛志衝天慧柯遠奮無生轉於
胷中權智應於事外志有所規無往不就威

恩雙行真俗並說領衆八百萬億嚴駕待命
勇士之徒充盈大千金剛之士弥塞八極咸
思助征席卷六合乘諸度之寶軒守八正之
脩路跨六通之良馬捉虛宗之神轡彎四禪
之良弓放權慧之利箭鳴驥浩浩輕步矯矯
撫劔飛戈長吟命敵而將軍累世重光匡濟
帝業歷奉聖庭曾無有闕貴即道師身子五
百幽鑒天命秉受王化聖上開襟皆授名爵
封賞列土功侔舊臣聲蓋萬域而君何心橫
生異見偃蹇邊荒頑顧常位毒害勃於蒼生
災禍流於永劫可不哀哉可不謬哉君昔因
時荒爲物所惑狂迷君心投僞外竄百行一

愆賢達尚失久謂君覽智返愚歸罪像魏束
身抽簪同遊群儁以道自娛榮名終始仍執
愚守惑偷安邪位託癡山以自高恃見林以
遊思耽六欲之穢塵翫邪迷以悞性建憍慢
之高幢列無明之凶陣闊步長塗輕拊神器
盜篡天宮抗拒日月恐不異舉手欲障三光
抱土填於四海打鼓與雷爭音把火共電競
耀雖擬心虛標事難就矣然將軍殖德玄津
原承弥遠暉華炳然群下矚目望貴之基易登
由來之功可惜可改往修來翻然駭順誅過
朱門與道齊好家國並存君臣俱顯取名獲
安曉目達觀眷屬晏然可不美歟大師剋舉

萬方矯轡手提法彘齊撫慧劍道柯輝耀於
前驅靈鼓震音於後隊神鍾一扣則十方傾
覆海浪飛波則原陸湯沸當介之時須彌籠
爲微塵天地迴爲一粟無動安於左襟妙樂
握於右掌神力若斯豈可當哉然我法已體
大仁慈未欲便襲權停諸軍暫頓靈轡臨路
遣書庶迴迷駕君可早定良旨面縛歸闕委
命王庭逍遙閑境上方宰任非君而誰夫聖
人上智識機明責免禍窮而知返君子所美
此乃轉福之高秋取功之良節昔夏桀無道
殷王致伐商紂首亂周武建師此則古今之
常軌將軍之明誠相與雖復形乖於當年風

流於道味人天崎嶇何足致隔想便霍然隨
書投命所以切痛其辭委曲往久者不欲令
芳蘭夏凋翠柯摧穎深思至言善從良計勿
使君身傾匡三旣勿使六天深生禾莠迅自
仰眺助情暢然臨紙多懷文不表意釋道安
頓首頓首

魔主報檄

大夢國長夜郡未覺縣寤語里六自在主他
化皇帝報檄於高座大將軍南閻浮提道綏
撫大使佛尚書安法師節下音耗自遠喜同
暫接尋覽句味良用欣然方見大國之臣禮
義高矣承將軍虛心豁達密行淵玄襟帶山

河牢籠宇宙慮深宗廟憂及生民秀氣千尋
真心萬仞諒疾風之勁草也亂世之忠臣也
冀道遇則隣彼我非隔俯從人事聊此報章
昔周室旣衰六國鼎沸漢朝運滅三分天下
或外夷侵叛毒被中原或內禍潛作殃及良
善應期鵲起達時豹變有之自古豈止今日

惟蒼生疊積上天降禍釋迦皇帝奄然登霞
哀纏臣妾悲浹率土皇太子彌勒養德心宮
滿月停山深叢隱藥數鍾百六之世將虧九五
之君諸侯姦猾猜忌相處一十八部教軌叅
差九十六道罇俎迴互狼噬海濱梟鳴山曲
左不記言右不記事國憲朝典與霜露而凋零

天墮帝璧同冰消而葉散臣怨民怒衆叛親
離逃逝無歸矜竚長往竊謂數屬太平沐浴
朝化時逢亂世濟難干戈蓋乃通人之權變
也謹率義兵發憤忘食並登山拉虎臨河斬
龍緯武經文輕身重義社稷是所不啻也天
位非所傾望也直以心城無主邪戲塵勞脊
漣慾流將心源而共遠惚恍大夢與永夜而
俱長還因假寐弔民伐罪先遣聚沫大將軍
黃玄侯率空華之卒策陽炎之馬即軋城之
隅結浮雲之陣戈甲昱爍弓戟參差鋒刃未
交服兵先敗次命礪響大將軍絲竹公領宮
商之衆據傳聲之谷隨聞隨翦次命百和大

將軍蘭麝伯領馨香之旅乘風杼陣千里無
雲次命六味大將軍領肥美之卒爲面門都
督安滄溟之口吞噬無遺次命七觸大將軍
領細滑之衆戰鼓纔擊身城瓦解五軍前討
百戰恒捷自天是祐罄無不宜朕慮未窮巢
穴躬行問罪戎衣旣整出自空窟發淵泉之
智動山岳之威承妄想之兵數盈兆載並潛
神識海隱影心山命將元帥案劔城旅徵兵
士卒擎刀結陣排空塞迴煙飛霧集莫不雄
氣衝天吐妄雲於眞際高風駭地驚塵浪於
性海擊道品官軍霜夜杼籜一心旣沒還源
彌遠六愛已然宅火逾盛縱橫翦掠腹背羅

討六奇三略先蘊育襟百步千榮本無橫陣
遂雲消霧卷吾道興焉於是分官置職行我
風化 勅無廉驃騎虎踞貪山性澁將軍龍
蟠慳海瞻恤之士水陸無寄

勅繫地郎將置陰陽之府情塵駙馬觀伉儷
之兵愛水暫流身城被漬欲火纔發天廟遭
燒繕性將軍已從焚溺勅咆嘯校尉弓劍隨
身鴆毒鷹揚戈戟在手嚴毅士卒警固賄城
使平忿將軍銷聲剗跡

勅正勤御史且停監察隨眠武侯安撫朝猷
放蕩無明縱恣有待使精進一馬罷行四勤
乏路迦留二箭不射三空之門勇猛將軍風

煙歌滅

勅覺觀大司馬置府初禪邪思惟都尉列陣
三有以原未靜頻被風波禪枝欲茂再遭霜
雪安靜將軍埋身亂境勅我見行高鎮陀那
之嶺惑山萬仞疑忒百重討返還迷問津天
路使觀身實相伸如羊角緣寂妄業密若魚
鱗故毒動狂子酒醒醉客覆真金藏隱肥膩
草博通將軍瓦焉如醉斯則率土之賓皆吾
民也今十軍意氣五將英雄乘機廢立成國
宗廟朕俛仰即位臨軒御宇纂承王業握圖
受命因弱之輪無際足擬金輪心與駿馱有
餘聊充紺馬衣冠充三車書已一方扇長風

於火宅奮高車於門外解釋甲冑與民更始
將軍士卒並亡智力俱喪路窮箭盡棄馬焚
舟蟪蛄舉臂良可愍也良可耻也豈盜跖率
卒侵暴諸侯孔丘冒陳流汗反府即將軍之
明誠也皇太子彌勒代邸龍飛朕汗馬歸朝
銜罪庭闕將軍見徵未敢聞命也情深筆短
不能多白冀歸高君子相期於言外焉波旬
頓首死罪

破魔露布文

廣緣將軍流蕩校尉都督六根諸軍事新除
惡建善王臣心賑惠將軍善散子都督廣濟
諸軍事監軍臣施繕性將軍剋欲界都督攝

志諸軍事司馬臣戒平忿將軍蕩恚侯都督
洪裕諸軍事司空公臣忍勇猛將軍勤習伯
都督六度諸軍事行臺臣進安靜將軍志念
都尉都督觀累諸軍事攝散侯臣禪博通將
軍周物大夫都督洞達諸軍事監照王臣智
行宮謹案臣等聞治靜泰平兇徒有時以興化清
去殺逆黨因之而作是以聞命引狩於九圍遇死
魔於塗山頂生騰輪於六合值貪賊於忉利
故使身滅知威魂散聞越淪蕩他鄉退失尊
位良由內挾姦邪外樹塵軌賞善信功罰乖
臣惡故也自世宗釋迦文皇帝晏駕固林條
餘千載太子慈氏阿逸多有事兜率未遑紹

襲法城暫空梵輪無主塵域外叛沙州弗盲
遂使三界風驚六天烽起邪徒詭說翻成異
俗僞自在天主賊王波旬稟質昏精體襲邪
氣我慢在心愛結盈慮矯奪慧命竊弄神器
放縱欲界闕闕皇境且其正教陵替內外相
違姊妹同姦千子貳志三女邪蕩邀我上宮
姿態未施自貽伊耆又波旬既習小道頗有
才辯復諛飾非好是熨怒不用順子之言專
從佞臣之計伺國間隙乘豐來侵僞結使大
將諸煩惱等因聖道消運鍾八百光音無間
十纏斯作遂陳欲兵於愛海策疑馬於高原
控轡於二見之域馳騁於無明之境值聖則

卷跡高栖遇惡則馳據中區負險重開觀時
而設或志求榮利假竊權門或含忿威衆專行
毒害意氣稜層固守方寸憍慢邊隅未識正
朔方復假遣七使傳車三障詭宣六條以致
殊俗愚者承教而濯纓智人棄之而澗飲畜
卒俟前儲烽候進偽四天大都督五陰魔等
置宅於豆始之原卜居於有秋之裏浮游戲
苦海之中放逸於火宅之畔竊号躬身假署
六腑偷榮瞬息耽樂時顏元首未幾徒役無
筭飢兵始率汎川遍野怖士愁人亘山滿谷
同惡相求輯結一方異類群聚阻兵三界偽
署行臺有生賊王死觀兵五道置卒三途在

生逆命處老作覆五衰告期四生應世壅泉

漆起起筆群有而長逝安忍杜絕飄炎業力咆嘯不下危以先馳三毒

無親禍連九族威怒互行戮及忠孝方乃忽

聖誣賢欺真枉正陷甯黎元羅絡凡庶妄計

苦空以為已有驟驚之勢謂固同金石者也

以正月三十日黃昏時有一人姓善字知感

從道場來告云賊去此不遠宜急翦撲不

當為大患臣聞此語未迷敬信單駕羊車轉

軍化城深修塹柵自備而已賊方於後夜遣

一使來多負珍異求結知好臣知此賊勢若

泡燄智計莫出意性狂勃難可親近弗與之

言抱恨而去方多投詭計欲來侵逼即以月

七日向晨出方便門頓解脫處馳信郵以深
入徵群迷以出海纂集三昧以致一整冀蕩
除五陰戒清諸有賊方恃固一川拒抗皇威
其水弥漫廣深難際又值旋嵐傾勃電霞瀉
注擊浪揚波海神競涌七等雜類或飛或沉
夜叉守途羅刹決津汭瞽流龍口覆沒善財其
欲泐泳鮮不沉溺又臨圻阻洪大築城壘壘
立隍峻險閘唯一門四重幽谷一人執戈
萬夫慎思四果怯憚辟支戰慄遂集衆唱撤
規望進擊驟度能僉日或可即勒軍士右渡
水攷備取措草木編以爲楸附令抱踏橫波
直進臣等手案浮囊泝流而往固獲無非遂

登彼岸部分將士修備兵車齊心戮力驅馳
往撲昂遣安靖將軍領觀累之卒擄散亂之
原又使平忿將軍率洪裕之兵塞怒谷之口
復令賑慧將軍引廣濟之衆截慳貪之路更
勒博通將軍整洞達之士守狂癡之徑督帥
羅張四面交侵積戰告捷不月而三行臺恐
衆懈怠不得競進乃催厲六軍置河惟越地
而餘燼遊魂偷安他化驅卒犬羊欲未拒戰
乃假虎兇以為威招熊羅而自衛異首別面
之徒吐風火而待發擔山戴樹之類方蟻聚
以齊衡希進皇家膺符受命啓土塵劫冒聖
重光享祚無窮先帝鼎湖之日顧命慤勤專

令文德已來不許戰爭而致幕府受詔之初
依勅而行略設六奇斷截而已但狂豎併張
散亡逆節雖遣逸多曉喻都無悛心乃更命
將大權徵兵十萬嘗未浹辰大降邦土資每
畏以嚴身兼衆好而獨拔龍蟠道樹虎視娑
婆十号一宣則四八應其言教暫設則二九
雲集遂擊法鼓而出三空建慈幢以臨八難
講武大千懼威萬域神戈暫指則魔徒失膽
慧劍一揮則群邪俱斃現道身而斬
死魔因般若以戮煩惱摧波旬於不動
之林滅五陰於性之境然後感集守而
到不到處巡伏陰身者唯一人而已遠

處膏肓非勇力攻及也迷乃竄生死於寂滅
之原派老病於常樂之境排三障於六通之
衢投十使於薩婆之域元亮旣梟首徒黨伏誅
自餘從者並不追問諸有誠心先歛者悉令
解甲去鋒編戶民例授以遠号移之樂土爲
拔五箭并以善醫療除垢病施慧湯藥于時
業風息吹六塵弗起祥雲四舒靈禽翥翼引
八部而自娛嚴四七以守衛垂拱閑堂無爲
而已大覺天王等好尚風軌志存拔擢授昔
舊謨慤懃諫誥辭不獲免默許所奏介乃開
甘露門出八正道千輻雲迴來儀鹿苑四天
獻器於高掌二商薦肴於兩謂故錄行錄勲

則陳如先封真諦開賞則耶舍繼襲或朋類
蒙榮或兄弟感澤揖不肖於初果表有德於
十地依准古禮巡省方岳振旅六城治兵八
國理怨於三天之上問罪於九地之下徵英
桀於十中會萬國於鷲岳華萇剋臻異士勇
出於是啓寶藏以賑貧窮出三車以給諸子
撫納黔黎寧堵復業乃身安一乘心固盤溪
據林眄水宣揚皇澤依恒說逸召集未賓仁
風帀宇道光遐照四面交通化派無外聽訟
於中路之域決判於寶山之所無量之威遠
震城岳無礙之智洞徹山河故土無二統車
書一軌日月重光天地清朗六萬之衆解長

圍以從正十仙之徒棄大河以就桎不動之
賢不遠千里意樂之哲應感而至工人率簞
食於尸城捷獸奉壺漿於長源內外剋清表
裏咸泰寔由道音四敷餘波東訓主上至心
群僚深敬稟承神規殄茲兇醜豈臣智力所
能剋感也冀憑此一勲漸望更進方事前計
凱旋未日並露布以聞臣等死罪死罪
平魔赦文

門下首區同源因派異緒窪隆代興信背千
途故智勝標宗歷塵劫而尚三燈明啓教經
九中而未一況乃邪徒僞見駕刺犢於自然
之原結賊妄根御形色於顛倒之境以茲偏

師抗衡中道眷言二三良用憮然自先帝昇
霞寶曆無主淳風漸虧靈教異設偽魔乘間
充斥神邑假變眞容妄談空有驅役四生周
還六趣畔換欲天狼戾愛地毒被邊荒虐流
華夏雖獫狁之侵宗周凶奴之陵炎漢未爲
喻也朕以神昧主自塵劫幼齒叅玄弱冠從
政班名於大通之年驅驟於賢劫之下荷百
億之重任忝三界特尊人天樂推無所與讓
遂陟靈壇受茲封禪顧唯多闕有慚庶政明
發孜孜不遑啓處常恨邪境未清正教無一
致使群生沉淪魔境每一撫念用廢寢食遂
命將徵兵以清時難上藉三昧之士下憑六

度之師控清方夏大龕荒服故六軍雷動則
三有雲消慈施電馳則四凶面縛降附若塵
生擒萬計唯波旬一人單馬奔迸百道截羅
組繼不久且令五道告清宇外咸一思與天
下同茲福慶可大赦天下與同更始改像教
之号爲即真之歲自二月八日昧爽已前繼
囚見徒悉皆原放若爲四魔所悞浮游三界
犯十惡五逆毀經壞像三世所作一切衆罪
能改過自新者不問往愆若亡命慾山俠藏
姦器百劫不自首者伏罪如初其殺父害君
傷兄蒸母隨時投竄以息後犯其闡提一人
不在赦書擯罪遥責神速可乘意驛遍諸

方主者施行

即真元年二月八日中書令補處在

臣逸多宣

臣文殊等言奉被詔書如右臣聞毀忠謗善
經千葉而不無邪臣逆子歷百代而常有是
以三監流言伏罪於明時五世背道甘誅於
聖世故王威必震慶當於周邦正教暫加福歸
於露鼓伏惟陛下慈兼百王智齊千聖秉瑞靈津
握圖玄化出沒動於大千馳騁應於群有服微形
以引愚迷吼法音以警龍耳俗至乃勿身志道釘體
求經析骸貿禽委命降獸捨塵劫之危體收
一生之妙質龍潛四天利見閻浮輕彼七寶

重此一乘徹翫深宮減膳河側去寶冠於苦
林貿法衣於獵士故能駕御四禪時乘六度殄
服群邪乃於返掌三界無熾然之警四生絕
深溺之憂方復情存解網志尚宥愆十八來
穌萬國幸甚謹重申聞請可付外施行謹啓

即真元年二月八日

侍中臣文殊師利

侍中臣薩陀波崙

黃門臣師子吼

黃門臣舍利弗

黃門臣須菩提

平心露布文

擬唯識道行軍府

謹奏平心露布事

擬使持節儀同三司領十二住大將軍唯識

道行軍元帥上柱國晉國公臣般若言臣
聞四魔放命歷代以之爲鯁五任遊覓含識
因其致患是以三明聖智十力雄尊莫不婁
動偏師頻行薄伐伏惟 陛下乘大慈而啓
運應冥感而赴期奄宅神區光臨法海述前
王之令典演衆妙於圓音考列聖之玄謀會
群生於淨國三千刹土共稟威靈百億類洲
同遵聲教唯有僞心主阿黎耶識擅假名器
叨竊生民跨有軋城緇歷年祀逐窮迷於夢
境長夜不歸縱極亂於空花終年如醉權攀
緣爲蕃屏之任引戲論爲帷幄之臣陷溺黎
元干擾鋒鏑 陛下應真理物調俗御民念

此鯨鯢愍斯塗炭逐詔臣揚旌色野問罪心
庭臣敢効庸虛稟承竒略去四月十六日軍
次心境即以其夜初更與賊相見臣於是潛
機密會玄契冥馳集戈舩於六度之津命戎
車於一乘之轍屯營三月揚清梵以伸威列
陣九旬擊鳴鍾而作氣阿黎耶識固重昏而
莫曉執窮計而不移譬螻蛄之拒輪等蜂蠆
之含毒乃遣僞恒行大將軍阿陀那識率無
明之子弟恃無賴之胷襟據守軋城與臣抗
敵又遣僞自性大都督迦毗羅仙僞執此大
將軍迦栴延子招引烏合聚結蟻徒搖蕩邊
陲激揚聲勢臣遂分布諸將指麾籌策遣擬

使持節拔塵大將軍領四念處諸軍事率道
品縣開國公臣求知擬使持節寧境大將軍
領八正道諸軍事通真縣開國公臣如實知
部勒驍雄星沭電轉從方便諸道靜緣邊之
界臣求知等尋名討義躡影追蹤乍橫行於
密室之間或轉戰於隣虛之隙事窮理絕域
盡途殫冥宗所以冰消數論於斯瓦解迦毗
羅等知大乘之有在識玄統之所歸各將羸
卒數千咸來請命臣哀其晚晤許以自新即
令慈悲觀道士畢無緣隨便安養僞諫議大
夫郅諦懷逸群之思負出世之奇將全國以
効忠反危身而被繫臣以此月十五日夜俟

中軍之勇氣乘外敵之離心手抗干戈躬先
士卒受命擬使持節堯率大將軍晏晏道招
慰大使上柱國翹頭末開國公臣阿逸多擬
使持節閻浮大將軍天竺大都督天竺諸軍
事上柱國富婁沙開國公臣婆藪槃豆並以
道邁三空神遊四辯使其招陽勝負曉喻是
非又遣擬使持節平等大將軍兼行軍長史
上柱國清涼縣開國公臣正念擬使持節遍
滿大將軍兼行軍司馬上柱國常樂縣開國
公真如與臣表裏玄同更相應接于斯時也
邊秋氣爽塞月光寒旌旗共雲漢齊高鋒鏑
與霜天比淨披印誓駕圓通超兩觀而爭前

排千門而並入雖生死無際一念覩其濱涯
塵勞有儔須臾見其崩潰僞丞相陳顯為僕
射慮思無計求生闔門自縊僞司空師子鎧
僞司隸達磨多羅各擁餘師自嬰深壘狐疑
競起情詐萌生忍顛危而不見扶遂淪亡而
莫能濟阿陀那與其為主外無強援內寡深
謀師旅困窮城池陷露君臣失色進退無依
銜壁叩頭舉輦觀待罪臣即梟陀那之首釋邸
諦之囚廢彼昏王立其賢嗣方使宗祧不絕
永為茅土之君世德相承恒修職貢之禮於
是氛祲開蕩若和氣之泮春冰醜穢殲夷似
涼風之卷秋籜六根超絕不開亭障之虞三

界寂寥無復風塵之警斯乃威光遠被士衆
齊心豈臣微劣所能致此不勝慶快之至謹
遣厚德府別將臣隰重知奉露布馳驛以聞

廣弘明集卷第二十九

聚

据拾

反上居運也

檄

反胡的

丘壑

反下呼

各

羈

居宜反

也

舛

尺軟反

屯蹇

下上居

輦

反

昏虐

反下

暴

却

茹

而

反誌公

上音

號

今

下音

屠

誠

謂

斬

首

截

耳

也

也屬纊

上音

候

氣謂之

一

一

也

以

綿

懍懍

呂錦反

一

恭

懼酷害

上音

篤

反

驅

虎

上音

俱

反

虎

精

銳

也

下而歲

反利也

驛

傳

上音

戀

反

舟

艦

方而

長

名

之

也

乘舫下音放雙舩前上音塔郢城上盈魚

潰下玄對烹宰上普盈俎下音阻輟筋

也下直慮反温清下七性反冬温夏清也謂孝也餽饗

上戸交反下謝肫下敷尾普彦穎上魚箭反剗心

剖也音枯嬪侍上音頻扁華上蒲犬反扁鵲華

晉所井反騁丑領反窈窕了上煙曉反下徒冶

容上音野透迤上烏為行反下音駿馬上

閨反惛耳上音叨醇蒲沒反晬晚上紆氤氲上音

因下紆迤否上知倫反蹠實上音筠筠于均反

清冷下音拊心上芳武鬚齒上音條下昌

踰躄上音零拊心反拍也鬚齒上音條下昌

遼夔下休遠反陝西上尸戍主反上津注一舸

下古我僅渠鎮反戾止帝反零狹虜下上侯夾反

反船也使扞音上上聲也靡監下音古也浦逃上必

也胡怙猾狡也八反淮淝反上音懷下房非

藜藿上郎野低反下兄郭涓塵反上俱玄蓼莪俄

二音雜沓下唐饋奠上求位反崩潰反下玄對

同前雜沓二合反饋奠上求位反崩潰反下玄對

其形至蚊睫下音接鯤鵬大魚也鵬大

鳥鸚猩下音生鸚鵡鳥猩過隙壁孔也逆反

燧穀上音銜恤下思律反陟岵下音

戶山多草木也詩云陟岵下音起山無草木

瞻彼岵兮瞻望父兮陟岵也詩云陟岵兮

列音瞬睽睽下上失詩閏反反暫見貞霰雪先同下也汨骨

也 沒 孤 鷓 俱 下 助 怙 無 音 戶 詩 云 恃 音 市 詩 云 休

屠 有 下 音 塗 亮 奴 日 磾 名 下 音 金 低 漢 目 禮 泉 禮 上 音

猗 其 也 上 於 宜 反 美 樞 棺 音 舅 隗 通 每 上 五 不 撓 音 下

闊 也 誼 顛 嬌 下 許 反 連 鏢 反 下 必 苗 竝 懣 車 下 許 偃 也 十

檝 下 音 接 船 棹 也 禹 穴 上 音 雨 藏 靈 日 五 符 之 處 琳 球

林 求 二 音 也 轉 車 轆 也 反 輕 舠 小 舟 音 刀 上 沂 素 下 音 逆

流 而 汎 瀆 上 反 芳 犯 反 下 羊 向 磕 磕 苦 塔 反 也

豐 豐 水 音 尾 正 作 澁 嶮 峭 笑 下 七 嶮 絕 上 助 銜 反 也

挽 葛 上 音 晚 漫 漫 官 二 同 莫 颶 颶 下 筆 反 反

也 聲 計 稽 雞 下 音 珉 黎 庶 上 音 萌 迺 字 乃

瞰 苦 濫 反 達 草 龜 反 具 秦 苻 上 側 巾 反 下 盼

響 上 許 乙 反 下 許 雲 霏 下 音 非 嘉 卉 反 下 許 鬼

名赫弈上音許客反亦玲瓏二音靈籠音爽塏下音苦改反

顯敞兩反昌跨反苦化反紆岳下音委于反高山也曲也明婉也

轉阮上反紆桴磬上音浮將七羊反聲反吐溜下反水力救

也遷迤反上呂亦反下移亦水碓下音對侔浮莫

等也俱筆曄曄于輒反波也宜莛羽烏孔反榴石音流

橘反俱反筆曄曄于輒反波也宜莛羽烏孔反榴石音流

公嶷嶷反吾銜仙的下正作苾丁歷反蓮子也

藕子日艾也謀示林反羸德上音盈秦擢上音榦濁上音

反也下古且岌堯若堯二音累峴下上魯每反校音

石白山嶽岑欽吟二音脩聳下息勇反脩眈

他弔反眇美小反邈眉角反崔嵬上目雷反

高山龍從上魯孔反山白頽待回敞恍兩上反昌

下於
往反
石帆
生海石上無
葉其莖相貫
瀑布
懸流也木反

峩
上昨何反
下吾何反
峩峩
反上吾叫
山危貞吾骨

阡綿
千眠二音
陌道遠貞
眺他吊反
市
反下直連

巫岫
無神二音
之名也
澄澗
水止也
頻撓
絞下尼反

以手一
攬也
屢攬
巧反古
温燠
熱也於六反
暑
歌暑
許上

嬌反
暑
醴泉
甘上音禮
蠲疾
反上俱玄
溜水
思上側

荆榛
巾上音京
下叢木也
助垂識
下楚禁反
未
明箴
音下

誠也
松喬
反下渠
高也
林藪
下音
鴻鵠
上音紅
下

白鷗
下音
白晶
白形了反
弈
火夷益反
素
翻反下閑
南

溪圻
下魚巾
岸熊音雄
塵鹿
雌上音憂
狎兔
反下閑
甲上胡反

彭鏗
下苦耕反
墟
起虛反
白藁
老下古
黃

蕭
下芳伏反
蔓楂梨
味上側
加反似梨
柿柰
音上

仕枳椇 上居只反下俱羽反廣志云 林

擒 下音禽 侔 音齊也 萍實 上音得 胡頹 下音徒 枇杷 音上

萋萋 反上 藤 生似蒲桃 紫芋 下音于 枇杷 音上

綠探 味下市康反似柰 紫芋 下音于 枇杷 音上

毗 下步麻 椎栗 上質追反木名子似 炫炫 音縣

明青芨 草下古哀反 禦 音語 鬱 上音烏 檀 繁盛也

藥 音壇 籛 反上 筋桂 上音斤 恒勁 下音居 檐

牖 音簷 郁毓 下上於六反 攢 自官反 恒勁 下音居

健颯颯 思雜反風聲 蟬 下口忍反 蟋蟀 上思

吉反 秋至也 律 律 叫嘯 下蘇 嗷 鳥紆 邕 反邕 鷓鴣

上音 啁晰 八上竹交反 下竹 濯纓 也上音濁 洗

水 清可以濯我纓 滄浪 之 滄浪郎 下音 遺躅 欲下反

水 清可以濯我纓 滄浪 之 滄浪郎 下音 遺躅 欲下反

也抽簪反下側參脂車上旨夷反滑以膏

秣駟馬謂之末以粟飼廣廡下音武踟蹰二馳音

繡栴秀而二音栴上音緹柱紅上音題也深承隅音下

愚屋飛陛反下階道峻岐下上渠私閨反高也欄

字同簷眇視音灤灤露而羊盥泉貫上音

系反胡計軒轅下音園下洪裳反下羊逝靈液亦音

乃律滂流上普踵姬上之勇反繼也下築苑

上音暨其器反明叡反下羊聖也刊反苦寒

刻也煥炳音喚丙二綴反知衛瞪對證上直

定視闢毗也益反華圍下音也又爽塏

下苦改枕平上之禁茹芻蕘昭反昌具反下而

也縉雲進上音禪儲下音除副君也也躁反則劉

抵羅上音剗初眼反宵冥上煙曉反

遠寂怕下反恬惓上徒添反豁上呼反聞寂上傾

役羈絆上居宜反悠漫上音莫

也暖以上音愛輝煥下音渾昇上胡反共壑下呼

各反派正賣環玗上音還下漣漪上音

於宜覲徒的伶併上音零下歔歔上音

虛下許潰玄對簣求位反盛輪困下丘粉

績下玄對青綫下而誰反笳音加卷蘆推幄

於角珪璋圭章神荊下并躡尼輒規重上俱

下平矩疊上俱之理也矩浩瀆上胡道浚沼上私

水大宵然上煙叫窳下與豸豸上蒲買反獸名今取

深刻施上呂山高下與豸豸上蒲買反獸名今取

山勢高
低之自
礪礪助
上立興
反石自
下諛詭
過上音
屈下
坂

墀二反
音遲
截山
上割反
下山自
吾谿壑
字上
下

呼各
泓澄
上烏萌
反白
虹蟠
紅帝二
音陰
硬

石次上
音軟
玉摘
反下丑
知香楓
木下音
風簣簣
當負

二音
竹名
的皤
下音
垂菱
木下子
紅反
澁濘
下上音
頂

反香溟
下上莫
煙曉
反反
嵯峨
下上吾
何反
漾
反羊向
雀

艇下亭
頂反
鷗杏
反烏侯
鷗鷗
上音獨
下詩容
反似雉

也
鷗杏
反烏侯
鷗鷗
上音獨
下詩容
反似雉

錢苻
反下戶
猛菱花
上音陵
菡萏
下上徒
胡感反

蓮花半
葩
正麻反
碑砣
上音郎
骨反石
崖高自
吾

遺漣
往徒罪
反白
下徒可
反沙水
離筵
反下所
宜

紅蝦
遐音
青綸
下俱祖
反草
蕤折
反上蘇
和

舌碧組東下音祖草名生鬚髮二字舊音蓼沙

何石鯨京下巨反園籟下音籬以養禽鳥鬚像上反芳

闢毗益反燭燿下羊照反燬閃深上反沙嶼下音

序水中粲七案天潢音黃河也曠朗上他朗反也

北下于葑反園反香秘下蒲流馥下音

敗音目胡笳下音加燕筑煙竹二音筑

擊而躡鞞上徒塔反下渠六反紫復

下音睽私遂反疊疊音尾也踰繫上

朱反越也下胡計軟音大車軾音識車穰穰

而羊倏虫上音叔忽也過隙下丘逆反

驥居異反敞昌兩傳鴈也下音傷酒器

燔音煩炙音燒也二燕姬上音煙下居寥亮上音

察下力 鏗鏘上口耕反 藍縷上正作縷郎舍

田螿正俗作蠶 碎繒下自陵反 忿忽紅二同

後胤下羊鎮反 听然上許反 矯張上居詐

井蛙下烏瓜反 鯤音昆海 燭火上音雀又

也火 鷓鴣音焦寮 二鵬音朋 培塿上蒲口反

阜也小 酣酒上戶甘反 醉也愛 紛攘下汝兩

亂貞桎梏 反音質下古 篤嶺岼 上在官反

也也 割今似取 鞅掌反上於兩 礲毒上七 宵衿下音

襟作懽悞 反上 呂孔反下 苛剋反上 貪忒

下他得 溘斷反上 苦合倒匐 正作仆 其助下音

也也 方胃下音墨 誰告下古 嵯峨上昨 蕞蔘上

木反下 滂沲上普忙反 自下音 威降下戶 懾之

反驚也
脫屣下所綺反
鞋一也
謂抽簪下側
蓼

也
邈超上丘
聘疋
併反
封畿下求
衣

王也
抗衡上苦
浪反
下
跋踏反上
子六

昔反
臧否上子郎
反
下
江苑下音

邁閔上古
候反
傷也
躑躅上直亦
反

舉足
顛顛胡道
反
也
結縉下音

骨解也
憫憐上音
敏
恂具營
反
孤
內圯下皮

也
悼音盜
鑠詩若
反
覬居利
反
竝直
立反
擢

秀上音濁
郊逢上音
孟陬下子
望反
望音
梧楸秋

木名
岐嶷上巨
移反
下
宜力
反
睨吾禮
反

招下音超
髣髴上芳
罔反
隕歛上音羽
敏

淚下音
下壤下汝
兩
僚音素
上旻下音
閻

擗慄上毗益反撫心也誰弭下弥尔反江潯

下音尋纁黃上兄云反葆鬢上音保

地名纁黃深紅色也葆鬢上音保

飾也能要邀下音愆去也冠組

下音祖素紈下惠甫衣上音甫

老聃下土名甘反嘉遁下隱也摺紳二音申

慝然上尼六反檄胡的剿絕也逋誅上必鷹

跣直里反噬下音逝暨及其器反遏止也瘼

音莫原燎下力照掩撲下疋手挈下音韞紆粉反餽交戶

反也曦上興宜迭徒結昏痼下音韞紆粉反餽交戶

宏基上惠萌反巨桴下而春戢阻澁反纂

子管反豐許近反桀起上音綏之上音雖最

尔上字外反 寘音豆下 梟斬 作具倒懸其

也首 曩乃黨反 紘綱 網上惠 梟斬 作具倒懸其

柯下音 枿枿 梟斬 作具倒懸其

界也二音 忤忤 塵撓 巧下 女反 皦皦 皦皦 皦皦

反一 殄喪 也上徒典反 減儁 然上 幸也一 都督 音下

陵墟居下 反丘 篡奪 患反 捉鞞 刀室也 反犬 都督 音下

作篤 揚鑣 苗下必 虎眇 視也 類慷 慨上 苦朗 反

矚音燭 一濛 泥蒙似 二音水 叱吒 上昌 吉反

也呵 頽嶠 下上 徒回 反墜 也彎 引鳥 還反

竄逃 竄竄 羣雋 門下 俊抱 土上 步交

把火 作上 或誤 駭順 又音 來法 蚤螺 夏桀 渠下

反列 商紂 九下 反直 崎嶇 下上 丘宜 反三 槩下 反古

禾莠 禾下音酉草似 迅目 上私 仰眺 下他

寐語 睡中魚計反 侵叛 下女 猜忌 上七 罇俎 必上

反自悲淡 下子 姦猾 八反 猜忌 上七 罇俎 必上

尊阻二音狼噬 逝下音 梟鳴 伯勞鳥也 國憲 法下音獻 天

壘 子玉斯紫反 天伶并 上音靈下 發憤 下房粉 拉

虎 上郎合 沓灑 上唐合反 惚恍 上兄

戟 俗作兄往反 之卒 下祖沒 昱爍 上余六反 弓

音呂反下 剪掠 略下音 驃騎 計上毗 武職 名下巨

龍蟠 盤下音 伉儷 下零帝 漬 浸在智反

鴆毒 禁上直 嚴毅 下魚既 賄城 上呼每

殞跡 上初產反 疑戎 下詩反 瓦焉 骨上吾 纂 管子

殞跡 上初產反 疑戎 下詩反 瓦焉 骨上吾 纂 管子

反繼駿馱下上子閏反反螳螂草堂郎二音盜跖音下

隻古之賑惠上震軫二音挾胡怙反烽起音上

火峯闕闕上傾彌反望也伊耆下徒復諫力上皮反

也廔一夔怒上音備也間隙下丘桑豐

近下許反假寐下密二反和衣而稜層上郎

瞬息上詩反輯結上音壅塞上紆拱咆嘞上步反

下蒲危脆下取反赴趙上七谷反下七余策羣

上初誣賢上音無陷窳上鑿斬反下驟瘦助

反疾剪撲下疋漸柵上七炤反坑也信郵

下音尤驛舍也電霰上蒲角反反泐泳上皮陵反

水反也礪隍峻下私閏友深也戰慄反下良吉抱

水反也礪隍峻下私閏友深也戰慄反下良吉抱

踰下徒答反 想流上音素正作 勳力上音六

或作往撲 木下反 督師上音類反 熊羆下音 餘

燼下反 虎兕下音詞姑反 熊羆二音碑

並獸享祚 下上許兩反 張俯下反 悛心

上七龍蟠 下音 失膽 敢反 斃武帝反 膏音

音同竄 鹿筭反 獍古堯 翦翼上之庶反 拔擢

下音薦肴 下力交 木肖 下音 華萇 下音 賑

貧音上 同黔黎 上巨兼反 寧堵 下音 觀不

川晒水 上音 簞食 盛丹寺二音 壺漿 上音 凱

旋改反 瓜流 下音 崖隆 下也 起也 充

斤尺下音 獫狁 北險允二音 炎漢 上于 孜孜 音龕

苦室舍反 生擒 音禽 奔迸 下必孟 組繼 上音

挾藏上帖反胡自首下聲去宥罪上放音右

列身上反武斷也粉析骸上反先擊也分也質禽上反莫候

也反加猛蕃屏二音帷幄下反於鋒鏑音利也

鯨鯢上巨魚反堂郎蜂蠆下反指麾下許

為驍雄上堯反古隙反丘逆殫音丹羸卒上力垂反崩潰下玄

晤音悟郅音質翅頭上反施名鋒鏑下反吾各崩潰下玄

對也闔門上塔反自縊下義反強援下音院

輦觀上音余下昌邱諦上音宗裡下音因氛也

侵上反扶分反下子心荒裔下羊世姜水上音

祉邁上音取福反一音浸磐石上音揆曰上音几席

上居作孚下反信也無底萌上音甲二反廕也聊音

也略殫音丹宏博上反大也逞功上音領反丑糜費上音碑反

茅茨上莫交反下在咨反

反也 脍響反上許乙反 後麗上昌反 嘯吒上蘇反

站下音 陟岵起下音 隙影壁上丘逆反 穹昊弓上丘反 功侔下音 步

下胡道反 之援下音院 吞噬下音 奮發上反

反疾懷救上音 愀然上七反 泮音判 殲夷上子反

夷盡也 秋穰木下音 隰重上音 虧豈惟 悒

他力勃音亭



Handwritten notes and bleed-through from the reverse side of the page.



